

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 531 del 28/02/2023

Traduzione in cimbrio

A sperimentàl televisiong vor di stòregen zungmindarhaitn von Trentino

Dopo in switch off vo TML – Teleminoranze Linguistiche, dar kanàl boda iz gest lai vor di stòregen zungmindarhaitn, dar Dienst vor di Zungmindarhaitn vodar autonome Provìntz vo Tria hatt detzidart auzolega an sperimentàl dienst HBBTV (Hybrid Broadcast Broadband TV), a televisiong boda tramettart saiz durch khabl vodar antèna, saiz durch khabl vo rete, eppaz vürsnar baz di smart televisiong. 'Z izta khent auzgètt a meldung zo vorstiana bida berat epparummaz interesàrt zbisnen in sèlln boda arbatn in disan sektor, boden ànemmat, vor a djar, disan sperimentàl prodjèkt. 'Z bearat zo trasmettra durch HBBTV video übar di zungmindarhaitn zimbar, ladinar un möknar, daz mearaste lai in muatarzung, boda innhaltatn teledjornél, trasmisiongen zo vorstianasan mearar übar dise fòlk un edukatìf un schual progrém.

Dar prodjèkt iz khent vürgelekk dar Konferéntz von Zungmindarhaitn, dar bichtegarste vortretar von stòregen zungmindarhaitn kamöüschaft, boda hatt khött ke 'z magat gian guat, zo sichra alln drain in zungmindarhaitn 'z rècht zo haba a infomartziong durch televisiong in soin muatarzung, asó azpe da khint auzgemacht von provintziàln nòrmen.

Mearare detailn übar dar meldung, boda bart skadarn di zbölve von menta 6 von lèntz, makmase vennen aftn portàl vodar autonome Provìntz vo Tria aftz disan link:

<https://sicopat2.provincia.tn.it/pubblicazioni/#/avvisi/dettaglioavvisi?id=75&codiceSA=SA00000845&codice:>

Übarsetzt von Schaltarle vor di zung von Toalkamou vodar Zimbar Hoachebene

(cdt)